

第二處：普光明殿

(六會)

- 一． 十信-普光明殿
- 二． 十住-忉利天宮
- 三． 十行-夜摩天宮
- 四． 十迴向-兜率天宮
- 五． 十地-他化自在天宮
- 六． 等覺-普光明殿
妙覺-普光明殿



四. 十迴向 – 兜率天宮

如來昇兜率天宮一切寶殿品

兜率天宮菩薩雲集讚佛品

金剛幢菩薩十迴向品



華嚴經兜率天宮菩薩雲集讚佛品之十方菩薩偈讚之一

十堅固世界		爾時，佛神力故，十方各過萬佛世界塵數刹外；彼有世界，名堅固寶；次名堅固樂；次名堅固寶王；次名堅固金；次名堅固摩尼；次名堅固金剛；次名堅固蓮華；次名堅固青蓮華；次名堅固栴檀；次名堅固香。（八十華嚴之十妙世界）
十幢佛果		其佛號壽無盡幢；次號風幢；次號清白幢；次號威儀幢；次號明相幢；次號常幢；次號上幢；次號自在幢；次號梵幢；次號寧泰幢。
十幢菩薩		彼諸菩薩，名字悉同，其名曰金剛幢；次名堅固幢；次名勇猛幢；次名夜光幢；次名智幢；次名寶幢；次名精進幢；次名離垢幢；次名真實幢；次名法幢。
		彼諸菩薩，各於其國佛所，淨修梵行；（此十方菩薩所從來，結構見附24-1）
化師子座		一一菩薩，各將萬佛世界微塵數等菩薩眷屬，來詣佛所，稽首禮敬。佛神力故，隨所來方，化作如意寶藏師子之座，充滿十方，結跏趺坐；白淨寶網，以覆其身。
菩薩成就功德	依自性起	又放阿僧祇千億那由他光明，離垢光明，無量光明，普照十方；以正直心，攝取三寶，遠離諸惡。菩薩大願之所興起，一切眾生觀無厭足；見者不虛，無不調伏，顯一切佛自在淨法；為一切眾生，作歸依處，勸化令發菩薩大願。
	依十波羅蜜入法界	此諸菩薩，皆悉成就無量法門；所謂：遍遊十方一切佛刹無所障礙神足法門；見淨法身，無著法門；住持慧身，能為無數變化之身，往詣無量佛所法門；入無量無邊不可思議如來自在法門；無量無邊一切智法門；無量光明普照諸法無畏方便法門；盡未來劫，分別演說諸功德藏無盡辯法門；一切陀羅尼慧光普照法門；成就清淨慧眼，普觀法界法門；智慧境界，無量無邊，無縛無著，究竟如虛空法門。（十波羅蜜成就十種法門）
十方同化		如此世界，兜率天宮菩薩雲集，一切世界諸四天下，兜率天宮雲集菩薩，所從來國，諸佛名號，亦復如是。
兩膝放光		爾時，世尊從兩膝放百千億那由他光明，普照十方虛空法界等一切世界諸四天下兜率天宮，一切如來神力自在，皆悉顯現。彼諸菩薩，其有得見如來神力自在者。
如是菩薩所得因緣成就	佛	皆是盧舍那如來、應供、等正覺，行菩薩道，修習無量諸法門時，善知識也。
	法	是諸菩薩，常樂諸佛甚深解脫自在神力，得不壞法界身，得無礙三昧；
	僧	見不思議佛，心無所著；以無礙心，充滿法界；離垢寶心，常為諸佛之所護念；
	精進	得佛無量住持神力，決定究竟到於彼岸，清淨正念，速成等覺；
	禪定	得諸如來心之原底，入深智慧而得自在；於甚深智，究竟彼岸，清淨法身；
	般若	住佛所住，得一切智，與如來等；從智寶起，皆於如來妙趣中生，開發清淨智慧法門；
	方便	究竟金剛大智彼岸，成就金剛方便三昧，永離一切愚癡闇冥，教化成熟無量無邊無數眾生；
	願	諸佛一切決定自在，究竟彼岸；
	力	不著一切數，善學一切數，究竟一切數智；
	智	善住真實法，成就如是等無量無邊、不可稱數、不可窮盡、不可言說諸功德藏。

華嚴經兜率天宮菩薩雲集讚佛品之十方菩薩偈讚之二

東方——大圓鏡智 金剛幢菩薩		爾時，金剛幢菩薩承佛神力，普觀十方，以偈頌曰：
	佛	如來不出世，亦無有涅槃，以本大願力，顯現自在法。
	法	是法難思議，非心之境界，究竟彼岸智，乃見諸佛境。
	僧	色身非如來，音聲亦如是，亦不離色聲，有佛自在力。
	精進	少智不能知，甚深佛境界，成就本業智，乃達諸佛境。
	禪定	諸佛無來處，去亦無所至，清淨妙法身，顯現自在力。
	般若	無量世界中，示現如來身，廣說微妙法，其心無所著。
	方便	無量無邊慧，諸法無障礙，入於深法界，顯現自在力。
	願	眾生及諸法，了達無障礙，變化身無量，普現一切刹。
	力	欲求一切智，自然成正覺，先當淨其心，具修菩薩行。
	智	如是見如來，無量自在力，除疑常親近，無上善知識。
南方——平等性智 堅固幢菩薩		爾時，堅固幢菩薩承佛神力，普觀十方，以偈頌曰：
	佛	最上無過者，甚深不可說，一切語言斷，清淨如虛空。
	法	諦觀人師子，無量自在力，諸佛無虛妄，世間生妄想。
	僧	導師所演說，其法甚深妙，隨順因緣起，如來清淨身。
	精進	斯等大乘智，諸佛之境界，若欲求此智，常應親近佛。
	禪定	清淨心供養，一切諸導師，心常無厭足，究竟成佛道。
	般若	無盡功德藏，增長菩提心，遠離諸疑惑，觀佛無厭足。
	方便	究竟一切法，法化生佛子，彼悉能解了，諸佛自在力。
	願	智慧王所說，欲為諸法本，應起清淨欲，志求無上道。
	力	若能敬諸佛，知報如來恩，彼人未曾離，一切諸導師。
	智	如是得見聞，諸佛及佛法，具足清淨願，究竟無上道。
西方——妙觀察智 勇猛幢菩薩		爾時，勇猛幢菩薩承佛神力，普觀十方，以偈頌曰：
	佛	有眼有日光，能見細微色，最勝神力故，淨心見諸佛。
	法	勇猛勤方便，能盡海原底，智慧力如是，究竟諸佛海。
	僧	譬如好良田，植種必滋繁，如是淨心地，出生諸佛法。
	精進	如貧得寶藏，除滅飢寒苦，菩薩得佛法，離垢心清淨。
	禪定	譬如伽陀藥，能消一切毒，天尊亦如是，滅除煩惱毒。
	般若	因緣善知識，生長信佛心，因緣善知識，得聞諸佛法。
	方便	無量無數劫，常行無上施，若能化一人，功德超於彼。
	願	如來相莊嚴，功德難思議，諸佛功德藏，一切莫能知。
	力	如來等正覺，不起于一座，悉能遍十方，一切諸世界。
	智	譬如虛空性，不生亦不滅，諸佛法如是，亦復無生滅。

華嚴經兜率天宮菩薩雲集讚佛品之十方菩薩偈讚之三

北方——夜光幢菩薩		爾時，夜光幢菩薩承佛神力，普觀十方，以偈頌曰：
	佛	十方諸世界，一切群生類，普見天人尊，清淨妙法身。
	法	譬如一心力，能生種種心，如來一法身，出生諸佛身。
	僧	菩提無二法，亦無有自性，無二淨法身，莊嚴無不現。
	精進	究竟如虛空，猶如幻化現，功德不可盡，其唯諸佛境。
	禪定	三世一切佛，法身悉清淨，隨其所應化，普現妙色身。
	般若	未曾生想念，我為如是像，遠離諸希望，自然應眾生。
	方便	不壞諸法性，亦不著法界，應現種種形，教化眾生故。
	願	法身非變化，亦非非變化，諸法無變化，示現有變化。
	力	正覺不可量，究竟等法界，深廣無涯底，言語道悉斷。
	智	一切趣道法，如來知實義，遊行一切剎，未曾有障礙。
東方——智幢菩薩		爾時，智幢菩薩承佛神力，普觀十方，以偈頌曰：
	佛	入於深智慧，一切無障礙，其心無齊限，修習菩薩行。
	法	普於十方剎，常見一切佛，彼佛無處所，法亦無所著。
	僧	一一諸如來，自在力無量，不可思議劫，說之無窮盡。
	精進	三世諸眾生，悉可知其數，導師功德藏，其數不可盡。
	禪定	無二不思議，應現種種身，十方無不見，未曾有別異。
	般若	譬如淨滿月，普現一切水，影像雖無量，本月未曾二。
	方便	如是無礙智，成就等正覺，應現一切剎，佛身初無二。
	願	非一亦非二，亦復非無量，隨其所應化，示現無量身。
	力	佛身非過去，亦復非未來，一念現出生，成佛入涅槃。
	智	譬如幻化色，不生亦不滅，佛身亦如是，寂然無生滅。
東南方——寶幢菩薩		爾時，寶幢菩薩承佛神力，普觀十方，以偈頌曰：
	佛	如來身無量，眾生見有量，隨彼所應化，導師為現身。
	法	法身無處所，充滿十方界，佛身難思議，如空無分際。
	僧	彼無心意識，亦無起心想，諸佛之境界，究竟無生滅。
	精進	譬如無目人，不覩內外色，如來不出世，不見一切法。
	禪定	饒益眾生故，如來出世間，眾生見有出，而實無興世。
	般若	佛剎非如來，晝夜亦如是，年月至一念，悉非等正覺。
	方便	眾生咸說言，佛日出世間，導師自覺悟，如來非淨日。
	願	虛妄無所有，言語道悉斷，三世諸如來，出世亦如是。
	力	譬如清淨日，不與昏夜俱，而說日夜相，諸佛亦如是。
	智	三世一切劫，不與如來俱，而說三世佛，導師法如是。

華嚴經兜率天宮菩薩雲集讚佛品之十方菩薩偈讚之四

西南方—— 精進幢菩薩		爾時，精進幢菩薩承佛神力，普觀十方，以偈頌曰：
	佛	一切諸導師，身同義亦然，普於十方界，隨應各別異。
	法	觀察牟尼尊，境界甚深妙，充滿諸法界，一切悉無餘。
	僧	如來淨法身，非是內身數，如來淨法身，亦非外身數。
	精進	隨彼眾生行，種種無量業，是故見如來，各各悉不同。
	禪定	如來妙法身，一切莫能數，甚深難思議，唯是佛境界。
	般若	如我非境界，思量所不及，佛法身如是，一切莫能測。
	方便	如刹難思議，而見淨莊嚴，佛身亦如是，妙相無不現。
	願	猶如一切法，因緣和合生，如是因緣會，得見諸如來。
	力智	譬如隨意珠，悉滿眾生意，諸佛法如是，能滿一切願。 無量世界中，導師興於世，如來本願力，普應十方界。
西北方—— 離垢幢菩薩		爾時，離垢幢菩薩承佛神力，普觀十方，以偈頌曰：
	佛	諸佛智慧光，圓滿淨世間，能淨世間已，令入諸佛法。
	法	設有人欲見，眾生數等佛，如來一切應，而實無來處。
	僧	專念佛境界，生起無量心，所見諸如來，其數與心等。
	精進	具足白淨法，名聞滿十方，彼於一切智，其心安不動。
	禪定	導師為眾生，如應演說法，隨所宜見處，普現最勝身。
	般若	佛身非我所，世界亦如是，說心非我所，覺無我菩提。
	方便	一切人師子，無量自在力，示現念等身，種種相莊嚴。
	願	世間則是身，身即是最勝，知身真實性，是佛無礙智。
	力智	一切知見人，普明照諸法，佛法及菩提，求悉不可得。 導師無來去，亦復無所住，遠離諸顛倒，清淨等正覺。
下方—— 真實幢菩薩		爾時，真實幢菩薩承佛神力，普觀十方，以偈頌曰：
	佛	正覺遊十方，一切諸世界，不離於一刹，普現諸國土。
	法	如來自在力，應現一切身，得道轉法輪，究竟般涅槃。
	僧	誰為思議佛？誰為不思議？誰見諸如來？誰為等正覺？
	精進	一切法皆如，諸佛境亦然，乃至無一法，如中有生滅。
	禪定	眾生虛妄故，是佛是世界，若解真實者，無佛無世界。
	般若	令眾歡喜故，普現一切前，如來所現身，畢竟不可得。
	方便	遠離一切障，無礙安隱住，除滅諸留難，具足諸佛法。
	願	一切諸如來，神通力自在，悉於三世中，求之不可得。
	力智	如是知心識，明解一切法，一切知見人，速成等正覺。 如來自在力，但有假言說，諸佛及自在，一切言語斷。

華嚴經兜率天宮菩薩雲集讚佛品之十方菩薩偈讚之五

上方——法界智 法幢菩薩		爾時，法幢菩薩承佛神力，普觀十方，以偈頌曰：
	佛	寧於無量劫，具受一切苦，終不遠如來，不覩自在力。
	法	無量生死中，未曾發道心，若聞見如來，具足佛菩提。
	僧	聰達明慧者，若發一道心，汝莫生疑惑，自謂不成佛。
	精進	無量無數劫，菩提心難得，若能一心求，究竟無上道。
	禪定	設於念念中，供養無量佛，不知是方便，彼猶非供養。
	般若	若聞如是法，諸佛從此生，無量劫受苦，決定求菩提。
	方便	一聞摩訶衍，諸佛所乘乘，一切法界中，三世為導師。
	願	雖盡未來劫，一切諸佛刹，不解方便者，終不成菩提。
	力	過去無量劫，流轉於生死，不知真實法，如來所起處。
	智	諸法不可壞，亦無壞法者，照明諸世間，示現自在法。

附24-1：華嚴經兜率天宮菩薩雲集讚佛品十方世界會集眾上首菩薩

		上 - 法界智			
		世界	堅固香世界		
		佛號	寧泰幢佛		
		菩薩	法幢菩薩		
		寶座	如意寶藏師子座		
西北 - 觀音方便智		北 - 成所作智		東北 - 彌勒法相智	
世界	堅固青蓮華世界	世界	堅固金世界	世界	堅固摩尼世界
佛號	自在幢佛	佛號	威儀幢佛	佛號	明相幢佛
菩薩	離垢幢菩薩	菩薩	夜光幢菩薩	菩薩	智幢菩薩
寶座	如意寶藏師子座	寶座	如意寶藏師子座	寶座	如意寶藏師子座
西 - 妙觀察智		中 - 自性本體		東 - 大圓鏡智	
世界	堅固寶王世界	世界	娑婆世界	世界	堅固寶世界
佛號	清白幢佛	佛號	毘盧遮那佛	佛號	壽無盡幢佛
菩薩	勇猛幢菩薩	會處	一切妙寶所莊嚴殿	菩薩	金剛幢菩薩
寶座	如意寶藏師子座	寶座	摩尼藏師子座	寶座	如意寶藏師子座
西南 - 文殊應用智		南 - 平等性智		東南 - 普賢法界智	
世界	堅固蓮華世界	世界	堅固樂世界	世界	堅固金剛世界
佛號	上幢佛	佛號	風幢佛	佛號	常幢佛
菩薩	精進幢菩薩	菩薩	堅固幢菩薩	菩薩	寶幢菩薩
寶座	如意寶藏師子座	寶座	妙寶藏師子座	寶座	如意寶藏師子座
		下 - 法性智			
		世界	堅固栴檀世界		
		佛號	梵幢佛		
		菩薩	真實幢菩薩		
		寶座	如意寶藏師子座		

(返回第175頁)

*此十方眾上首菩薩說偈讚佛者，表十方信成就，及此十迴向法於四天下十方之相應成就。